

**SÄMITIGE STIIVRÂ ČUÁKKIM 15/2015**

**Äigi** vá 13.peeivi skammâmáánu 2015 tme 10

**Saje** Solju, Sajos, Aanaar

Mieldi

Meddâl

Mieldi /  
~~meddâl~~

Tiina Sanila-Aikio  
Heikki Paltto  
Ulla Maarit Magga  
Asko Länsman  
Petra Magga-Vars  
Anna Morottaja  
Ilmari Tapiola

saavâjodetteijee  
I värisaavâjodetteijee  
II ”  
jeessân  
”  
”  
”

Pia Ruotsala

má. haldâttâhhovdá,  
pevdikirjetuálee  
vs lahâčálee

Kalle Varis

Maria Sofia Aikio

tulkkâ

**Ss 1 §** ČUÁKKIM LEHÂSTEM  
13.11.2015

**Ss 2 §** ČUÁKKIM LAVÂLÂŠVUOTÂ JÁ MERIDEMVÁLDÁLÂŠVUOTÂ  
13.11.2015

**Iävtuttâs:**

Čuákkim pahuduš lavâlâžžân já meridemváldálâžžân. Almottâs čuákkimist lii vuolgâttum stiivrâ jesânáid 3.11.2015.

Čuákkimpovdiittâs-äššilisto lahtosijdiskuin lii vuolgâttum jesânáid 6.11.2015.

**Miäradâs:**

**Ss 3 §** PEVDIKIRJE TÄRHISTEIJEI VALJIM  
13.11.2015

**Iävtuttâs:** Väljejuv kyehti pevdikirje tärhisteijee.

**Miäradâs:**

**Ss 4 § AAŠIJ KIEDÂVUŠŠÂMOORNIG TUHHiITTEM**  
13.11.2015

**Ma. haldâttâhhoovdâ iävtuttâs (PR):**

Tuhhiittuvvoo čuávuvâš aašij kiedâvuššâmoornig:

5 § Sämitige ive 2015 vaaljâid kyeskei njuolgimvátamušâi kiedâvuššâm

6 § Sämitige pargo-oornig udâsmittem

7 § Joonas Saari päälhi pajedemân kyeskee iävtuttâs

8 § Sämitige meriruttâiävtuttâs târkkilistem iivijd 2017–2020

9 § Čielgiittâs sâmičielâlâlij sosiaal- já tiervâsvuodâpalvâlusâi turviimân čujottum meriruudâ kevttimist 2014

10 § Eres oovdân puáttee ääših

11 § Čuâkkim lopâtem

**Miäradâs:**

Ss 5 §  
13.11.2015

**SÄMITIGE IVE 2015 VAALJÁID KYESKEI NJUOLGIMVÁTÁMUŠÁI  
KIEDÁVUŠŠÁM**

Čoovčâ 2015 sämitigevaaljâi puáduš suujâst lii asáttum meriääigist tohhum ohtsis vittâ njuolgimvátámuš. Njuolgimvátámušâin láá vaattâm ei. valjâi raččoom já uđđâ valjâi toimâtem. Njuolgimvátámušâi váldulâš vuádušin lii kevttum alemus haldáttâhrievti miáradâsáin jienâstemvuoigátvuođâ finnim ohtselovkuulmâ uđđâ jienâstemvuoigátvuođâlij peessâm jienâstid sämitige vaaljâin vuástá sämitige vaaljâlâvdikode já stivrâ miáradâsâid.

**Vs Lahâčdllee iävtuttâs (KV):**

Stivrâ meerrid tuhhit-uv vâi hilgo-uv väidimijd tâi uási tain.

**Miáradâs:**

Ss 6 §  
13.11.2015

## SÄMITIGE PARGO-OORNIG UDÄSMITTEM

Stivrâ nomâttij čuákkimistis 16.9.2014 (8 §) pargo-oornig olesudâsmitem valmâstellee pargojuávkun sämitige saavâjođetteijeid, haldâttâhhoovdâ sehe pargovievâ nomâtem ovdâsteijee. Pargojuávhu oovdânpyehten tuaimâ lahâčallee. Pargojuávkku koolgâi kuullâđ kirjálávt sämitige lävdikuudijd já rađijd sehe adelid taid máhđulâšvuodâ celkkid jieijâs lävdikode/räädäi haldâttâhsyergi asâttâsâin pargo-oornigist. Pargojuávkku koolgâi meiddei västidid pargovievâ kulâmist oovtâstoimâmlaavâ miäldásávt ääši valmâštállâm uásild já kiedâvuššâđ iävtuttâs pargoviehâčuákkimijn. Pargojuávkku koolgâi siämmää ääigist finnid valmâšin iävtuttâs sämitige pälhâšumenjuolgâdus tärhisteemeest.

Pargojuávkku lii čuákkimijnis 28.9.2015 já 5.10.2015 kiedâvuššâm pargovievvâst finnim iävtuttâsâid pargo-oornig udâsmitemist já toi vuáđuld ráhtâm hammittâs sämitige uđđâ pargo-oornigist. Hammiittâs lii oovdânpuohtum tige pargoviehân pargoviehâčuákkimist 3.11.2015 (**lahtos 1**). Pargoviehân lii väridum vala tile oovdânpyehtid huámášuumijd hammiittâsâst vuossaargâ 9.11.2015 räi. Västideijee máhđulâšvuotâ lii väridum meiddei lävdikuudijd, moi iävtuttâsah iä lah tagarin tuhhiittum pargojuávhu pargoost jotkâvalmâštállâmân uáassin pargo-oornighammiittâs.

### Vs lahâčallee iävtuttâs (KV):

Stivrâ

- 1) meerrid tuhhit-uv pargovievâ tâi lävdikudij huámášumij iävtuttâsâid uáassin pargo-oornighammiittâs já
- 2) meerrid ton maņa pargo-oornighammiittâs tuhhiitem oovdânpyehtimist tige čuákkimân.

### Miäradâs:

**Ss 7 §**      **JOONAS SAARI PÄÄLHI PAJEDEMÂN KYESKEE IÄVTUTTÂS**  
13.11.2015

Sämitigge lii finnim AV-tekniikkár Joonas Saari päälhipajedemucâmuš 12.10.2015 (**lahtos 2**).

Saari lii algâttâm AV-tekniikkárin sämitiggeest 1.7.2011–15.9.2015, kuás suu pargon lii lamaš kocceed já anneed huolâ kevttei táárbuin sämikulttuurkuávdáš Saijoos AV-tooimâ ohtâvuodâst, spesifisávt kove- já studioteknologiast sehe tipšod eres haldâttâhhoovdâ sunjin sierâ meridâm taan toimâolesvuodâ pargoid. Pálkkámluokka lii talle lamaš vátámuštääsi V, juávkku 1 (vuádupálkki palvâluskoskâšvuodâ älgidijn 2 235,26 eurod/mp).

Virgekoscâvuotâ lii jotkum 1.1.2012 räajist, pargon västidiđ, paijeentoollâđ já ovdediđ sämitige/sämikulttuurkuávdáš Saijoos AV-vuáháduv, spesifisávt kove- já studioteknologia uásild sehe tipšod eres haldâttâhhoovdâ sunjin sierâ meridâm pargoid. Pálkkámluokka lii talle lamaš vátámuštääsi IV, juávkku IV (vuádupálkki taan miärádâskirje adelemääigist 2 347,01 eurod/mp).

Tääl Saari virgekoscâvuodâ nomâttâs lii västideijee AV-tekniikkár, pargon ovdâlist mainâšum tooimah. Pálkkámluokka lii ain vátámuštääsi IV, juávkku IV (vuádupálkki nomâtemkirje adelem ääigi 2457,04 eurod/mp).

Saari lii ucâmušâstâs vuáduštâm päälhipajedem: ei. pälkkitääsi ij innig västid pargokove, sehe pargomeeri lii lasanâm uásild Saijoos teknisij čuolmâi keezild. Saari oca pälkkitääsis pajedem 20 % tááláast maajeeldkietân ive 2015 aalgâst.

Teatter- já mediapargei lito avžuuttâsâi mielđ (**lahtos 3**) AV-tekniikkár pälkki meriduvvoo pälkkijuávhu II mielđ; tijmepálkki 13,81 västid sämitige mánupajepäälhi 2112,93. Pälkkijuávkun III kuleh vástádâslih äámmátulmuuh; tijmepálkki 18,24, mánupajepálkki 2790,72. Pälkkijuávkun IV kuleh sundâttâlleeđ já pargohoovdah, tijmepálkki 24,50, mánupajepálkki 3748,50.

Sämitige pälkkámvuáháduv mielđ vátámuštääsi IV, juávkku IV västid kielâjurgâleijee päälhi. Vátámuštääsi IV vuádupäälhih 1.8.2015 räajist:

Ohtâduvâi hoovdah I	2 686,76
Lävdikudij oovdânpyehteečâlleeđ já proojeekthoovdah II	2 570,81
Eres vaattâmvuodâst västideijeeđ tooimah III	2 512,83
Kielâjurgâleijeeđ IV	2 466,87

Sämitige pälkkámvuáháduv 4 § mielđ vuádupäälhi puáhtá pajediđ viirgân sierâmiärádâsain lasettum pargoi suujâst enâmustää 20 %:ain. Pajedeemeest meerrid tige stivrâ.

**Má. haldâttâhhoovdâ iävtuttâs (PR):**

Stivrâ meerrid päälhipajedeemeest.

**Miäradâs:**

**Ss 8 § SÄMITIGE MERIRUTTÄIÄVTUTTÂS TÄRKKILISTEM IIVJJD**  
13.11.2015 **2017–2020**

Sämitige stivrâ tuhhiittij čuákkimistis 4.9.2015 meriruttäiävtuttâs iivjyd 2017–2020 toimâtemnáál riehtiministeriön.

Riehtiministeriö, staatâvarijministeriö já sämitige budjetráđádállâmeh tuállojii Helsigist 21.10.2015. Staatâruttâtuálu čovgum raami váátá meiddei sämitige iävtuttâsâi uđđâsist miäruštállâm já prioristem. Iivijn 2016–2020 sämitige meriruttätääsi (raamih) lii 3 164 000 eurod. Meriruttätääsi vuálánem jottee pajan verdidijn lii šoddâm váldulávt tast, ete Senaatti-kiddoduvah vyeleed lááiguid -15 % ive 2016 aalgâst.

Sämitigge kalga toimâttid riehtiministeriön tárkkilistum prioristum iävtuttâs iivjyd 2017–2020 majemustáá 17.11.2015.

Stivrâ kiedâvušâi ääši čuákkimistis 30.10.2015 já siirdij ääši čuávuvâš čuákkimân.

**Má. haldättâhhoovdá iävtuttâs (PR):**

Stivrâ tuhhit tárkkilistum raami-iävtuttâs iivjyd 2017–2020 (**lahtos 4**).  
Lahtos oovdânpuáhtoo čuákkimist.

**Miäradâs:**



**Ss 9 §**      **ČIELGIITTÁS SÄMIKIELÄLIJ SOSIAAL- JÄ**  
13.11.2015    **TIERVÄSVUODÄPALVÄLUSÄI TURVIIMÄN ČUJOTTUM MERIRUUDÄ**  
**KEVTTIMIST**

Ovdâskodde tuhhiittij staatâ ive 2014 budjet 480 000 euro stuârusii meriruudâ kevttimnâál sâmi kielâlij sosiaal- já tiervâsvuodâpalvâlusâi turviimân sâmikuâvlu kiellâin.

Sâmitige pargo-oornig 17 § 5 saje miell sosiaal- já tiervâsvuodâlävdikodde kalga rähtid sâmitige čuâkkimân jyehi ive čielgiittâs sâmmilij sosiaal- já tiervâsvuodâpalvâlusmeriruudâ kevttimist.

Sosiaal- já tiervâsvuodâlävdikodde lii čuâkkimistis 18.6.2015 tuhhiittâm čielgiittâs toimâtemnâál Laapi kuâvluhaldâttâhvargâdâhân.

**Mâ. haldâttâhhoovdâ iävtuttâs (PR):**

Stivrâ tuhhit sosiaal- já tiervâsvuodâlävdikode čielgiittâs ive 2014 meriruudâ kevttimist oovdânpyehimnâál sâmitige čuâkkimân (**lahtos 5**).

**Miärädâs:**

**Ss 9 § ERES OOVĐÂN PUÁTTEE ÄÄŠIH**  
13.11.2015

**Ss 10 §**      **ČUÁKKIM LOPÂTTEM**  
13.11.2015